

Lettres patētes

DV ROY PAR LES-
QUELLES IL RENVOYE
& attribue à la Chambre du Con-
seil du Parlement de Paris, la co-
gnoissance & iugement par appel
de tous & chascuns les procès &
differends concernant l'execu-
tion & entretenement de l'Edict
de Pacification.



A PARIS,

Par Robert Estienne Imprimeur du Roy.

M. D. LXVI.

Aucc priuilege dudiēt Seigneur.

EXTRACT DV

Privilege.

P A R lettres patentes du Roy, donnees à Paris le xviii iour de Ianuier, mil cinq cēs soixante trois, signees Par le Roy en son Conseil, B O V R D I N, & seellees du grand seal dudiēt Seigneur en cire iaulne sur simple queue : Confirmatiues d'autres lettres patentes dōnees à saint Germain en Laye le viii Octobre, M. D. L X I, signees Par le Roy, Vous Monsieur le Chancelier present, D E L' A V B E S P I N E, & seellees comme dessus : Verifiees en la Cour de Parlement à Paris le xviii iour de Feburier audict an : Il est permis à Robert Estienne son Imprimeur ordinaire, d'imprimer ou faire imprimer, vendre & debiter tous Edicts, Ordonnances, Mandemens & Lettres patentes : sans qu'autres Libraires & Imprimeurs les puissent imprimer, ne faire imprimer durant le temps & terme contenu esdictes Lettres patentes, si ce n'est du vouloir & consentement dudiēt Estienne. Sur peine de confiscation desdicts liures, & d'amende arbitraire, & autres amendes, despens, dommages & interests dudiēt Estienne.



LETTRES PATENTES

DV ROY PAR LESQUELLES
il renuoye & attribue à la Chambre du
Conseil du Parlement de Paris, la co-
gnoissance & iugemēt par appel de tous
& chascuns les procès & differēds con-
cernants l'execution & entretenement de
l'Ediēt de Pacification.



HARLES par la gra-
ce de Dieu Roy de
France, A nos ame-
& feaux les Genste-
nāts nostre Cour de
Parlement à Paris,

Salut & dilection. Comme apres
l'Ediēt de Pacification des troubles
nous ayons pour l'execution d'ice-

luy, commis & deputez és prouin-
ces de nostre Royaume, aucuns de
nos amez & feaux Conseillers Mai-
stres des Requestes ordinaires de
nostre Hostel, & Conseillers tant de
nostredicte Cour de Parlemēt que
grād Cōseil, lesquels se feroyēt trās-
portez sur les lieux à eux ordōnez,
oy nos subiects en leurs plainctes,
& faiēt tout debuoir à eux possible
de les reconcilier & pacifier : mais
n'auroyēt sceu faire qu'ils ayent peu
assopir entierement les querelles &
differends pour ce meuz entre nos-
dicts subiects, que aucuns d'eux tant
par appellatiōs interiectees desdicts
Commissaires, que au moyen de la
reuocation de leur commission ne
se foyent retirez en nostre Conseil
priué, auquel auions retenu la co-
gnoissance desdicts differends & ap-
pellatiōs, où sont ensuyuis plusieurs

arrests. Toutesfois pource qu'il reste encores quelques procès à iuger entre nos subiects de vostre ressort, qui plus aiseemēt, à moins de fraiz, & foulagement des parties pourrōt estre decidez pardeuant vous, que en nostredict Cōseil, occupé en autres plus importans affaires : Nous auons aduise', ainsi qu'en semblable auons puis-nagueres faict à Tholouse & à Bordeaux, en commettre & attribuer la cognoissance à la Chambre du Conseil de nostredicte Cour.

P O U R ces causes, de l'aduis de nostredict Conseil, auōs par ces presentes renuoyé & attribué, renuoyons & attribuons à ladicte Chambre du Conseil la cognoissance & iugement par appel de tous & chascuns les procès & differends cōcernans l'execution & entretenement

de l'Edict de Pacificatiō d'entre nos
subiects du ressort de nostredictē
Cour, qui ont esté euoquez en no-
stredict Conseil : exceptez les pro-
cés de ceste qualité pendans en no-
stredict grand Conseil : ou qui ont
esté, ou seront réuoyez suyuant nos
lettres d'euocation & renuoy. En-
ioignons aux gens tenants ladicte
Chambre du Cōseil, suyure en leurs
procedures & iugemens le contenu
audiect Edict de Pacification, nos let-
tres de Commission, & Declaration
sur iceluy.

Et par ce que à nous seul appar-
tient l'interpretation & declaration
de nostredict Edict & lettres, Vou-
lons, ordonnons qu'auāt passer oul-
tre au iugement des difficultez qui
se pourront presenter sur aucuns
faicts & cas particuliers, ils nous en
aduertissent incontinent, pour sur

ce leur faire entendre nos vouloir & intention: comme aussi voulons & entendons que en cas de recufation, & qu'ils ne demeurét en nombre fuffifant pour iuger les caufes de recufation qui feroient propofees contre eux, elles foyent en l'inftant iugees en la grand'Chambre de noftredicte Cour. Car tel eft noftre plaifir. Nonobftant quelsconques Ordonnances, Edicts & lettres à ce contraires, aufquelles pour les confiderations fufdictes, & autres à ce nous mouuās, auons de nos certaine fcience & auētorité Royal derogé & derogeons par ces prefentes, lesquelles voulons & vous ordonnōs faire lire, publier & enregiftrer.

Donné à Moulins le dixieme iour
de Feburier, l'an de grace mil cinq
cens soixante six, Et de nostre regne
le sixieme.

Ainsi signé, Par le Roy en son
Conseil, ROBERTET.

Et sceellees du grand seal sur simple queue en cire jaune.

LEVES, publiees & enregistrees oy
& ce requerant le Procureur general du
Roy. A Paris en Parlement le mardy
neufieme iour d'Auril, l'an mil cinq cens
soixante cinq, auant Pasques.

Signé, DV TILLET.